

TRAMONTU

Una lughe indeorada
hat azzesu s'occidente,
cando su sole a ponente
ch'hat fattu sa cabulada.

Riccu sole, astru galante,
signore de sas isieras
chi percorrin sas aeras
cun motu sempre costante,
subra su mare sonante
calmu ti ch'ido falende.
Ee inoghe mirende
so s'incantu chi m'offeris
e ce comente deris...
sa die mi ch'est passada.

Subra sas undas in motu
ses brillante, mori-mori.
Cumandadas da-e Dori
sas Ninfas ti cantan totu
unu cantigu devotu,
un'innu solu pro te:
movende lestras su pé,
in giru tundu dispostas,
sun ballende currispostas
da una cetra incantada.

Sa morte tua apparente
est in zona occidentale,
pro ch'in cudda orientale
cumparis terra lughente.
Manzanu torr'attraente
t'isettan sos ojos mioj,
t'isettan cuddos chi rios
de lagrimas han versadu,
cunfidende in bon'istadu
lis benzat sorte giambada.

Unu tramontu serenu,
de calchi lagrima infustu,
meritat s'omine giustu
cand'affannadu hat s'alenu,
dende s'adiu a s'amenu
mundu chi l'hat generadu.
Est biadu, est fortunadu
chie cunvintu in cuss'ora
crét in s'Etern'Aurora
ch'est de Fide illuminada.

Una lughe indeorada
hat azzesu s'occidente,
cando su sole a ponente
ch'hat fattu sa cabulada.

Alghero, li 22 Agosto 1957

Forico PITZOLU
de Bolotana

Forico Pitzolu

Maresc. Magg. CC.
Forico PITZOLU
in licenza n.
Via S. Bonaventura n. 11

N U L V I
(SS.)